



VALDOVIÑO



CONCELLO DE VALDOVIÑO. XXVI FESTIVAL DO ENTROIDO.

BASES XXVI FESTIVAL ENTROIDO 2026 CONCELLO DE VALDOVIÑO.

PRIMEIRA.- Obxecto e Orzamento.

Co obxecto de promover unha das festas tradicionais máis importantes de Galicia e de recuperar a tradición popular destas datas no Concello de Valdoviño, a través da Concellaría de Cultura, convócase unha nova edición do FESTIVAL DO ENTROIDO NO CONCELLO DE VALDOVIÑO.

O Concello de Valdoviño destina a cantidade máxima de 3.450,00 euros en total para distribuír en gratificacións á participación (só para a modalidade de COMPARSAS) e premios (agás comparsas), polo procedemento de concurrencia competitiva. O gasto imputarase á partida orzamentaria 334.48000.

SEGUNDA.-Data e lugar

Este festival celebrarase o sábado día 21 de febreiro .Os participantes partirán da Casa do Concello ás 17:30 horas para participar no pasarrúas. De suspenderse o pasarrúas debido á climatoloxía, enviarase un whatsapp á persoa representante de cada inscrición dende o teléfono 645305229 e publicarase nas redes sociais do Concello antes das 17,00 horas. Salvo que se indique o contrario o Festival se iniciaría entón na Casa da Cultura ás 18:00 horas.

TERCEIRA.-Prazos e lugar de inscrición

Poderán participar todas as persoas, agrupacións de persoas físicas ou entidades que se inscriban nos prazos e lugares que se recollen a continuación. No caso de



VALDOVIÑO



agrupacións de persoas físicas o importe do premio ou gratificación, imputaráselle ao representante ou representantes a partes iguais.

INSCRICIÓNS	
PRAZO	Do 11 ao 18 de febreiro ata ás 14:00 horas
	O mesmo día do festival abrírase un prazo excepcional para que se podan anotar os participantes na modalidade individual que NON se inscribirán previamente . O rexistro farase na porta da Casa do Concello. Abrírase ás 17:00 horas e pecharase as 17:15 horas.
LUGAR	Sede electrónica. O propio interesado/a pode consultar antes do día 18 de FEBREIRO as 14:15 horas que a inscrición foi recepcionada correctamente chamando aos teléfonos 981487666 ou 645305229 (tamén consulta por whatsapp).
	Presencial: Na Casa de Cultura sita en Gándara de Abaixo núm 30 de luns a venres de 10:00 a 14:00 agás festivos.
	Individuais NON inscritos o mesmo día do desfile atendendo ao indicado no parágrafo anterior.
DOCUMENTACIÓN	<ul style="list-style-type: none">-Folla de inscrición.-Copia do NIF da persoa inscrita, do representante e CIF da entidade (segundo proceda).-Anexo cumprimentado-Certificación expedida pola entidade bancaria na que conste o número de conta da entidade ou da persoa física que represente ao grupo (soamente comparsas). Aos premiados noutras modalidades exixiráselle posteriormente.-Letras das cancións ou guións das parodias (só comparsas)



VALDOVIÑO



- Será decisión da área de cultura do Concello admitir a participación de comparsas, grupos ou outros inscritos fóra de prazo, aínda que **neste caso non terán dereito a recibir gratificación por participar nin optarán a premio.** Igualmente calquera inscrito que non participe no pasarrúas e non se presente en escenario decaerá no seu dereito a optar a axuda ou premio, salvo que a organización motivadamente, indique o contrario.
- Todas as veciñas e veciños que acudan disfrazadas o día do festival e non estean inscritos poderán tomar parte no pasarrúas atendendo á orde de colocación que se lles indique por parte da organización. Soamente participarán no pasarrúas. Non terán dereito a recibir gratificación por participar nin optarán a premio. No mesmo caso estarán aqueles participantes a título individual que querendo inscribirse o propio día do desfile non o fagan no horario indicado no cadro anterior.
- O modelo de instancia e Bases de inscrición facilitaranse na Casa da Cultura e estará dispoñíbel tamén na páxina web do Concello para a súa descarga.
- A organización reservarase o dereito á cancelación do evento no suposto de que non se acade un número de participantes que estime aceptábel e o dereito de anulación do desfile por inclemencias do tempo. No caso de anulación do pasarrúas o festival comezará ás 18,00 horas na Casa da Cultura.
- A inscrición no concurso enténdese como aceptación plena das Bases fixadas para o mesmo, sen que se poidan formular reclamacións de ningunha clase e por ningún concepto contra o aquí regulamentado. O incumprimento destas bases dará lugar á descualificación automática do/s participante/s e á anulación da gratificación estipulada se fose o caso. Non serán admitidos comportamentos ilegais, vexatorios ou de mal gusto que excedan o espírito crítico, satírico e lúdico do Entroido.

CUARTA.- Categorías e Premios



VALDOVIÑO



Establécense as seguintes categorías e modalidades nas que poderán inscribirse os/as interesados/as, que terán opción ás gratificacións ou premios que se detallan a continuación:

PREMIOS			
CATEGORÍA	MODALIDADE	NÚMERO DE COMPOÑENTES	GRATIFICACIÓNS PREMIOS
ÚNICA	COMPARSA -Número máximo de comparsas que se admitirán: OITO. -As comparsas inscritas recibirán unha gratificación por participar. Actúan en escenario con cancións ou parodia	Mínimo 10 compoñentes.	400,00 euros. Gratificación por participar
	GRUPO -Non hai límite no número de grupos inscritos. -Non hai gratificacións por participar. -Desfilan en escenario -Optan a premio	De 3 a 9 compoñentes	Premio Grupo 130,00 euros
	PARELLA -Non hai límite no número de parellas inscritas. -Non hai gratificacións por participar. --Desfilan en escenario -Optan a premio.	2 compoñentes	“Premio Parella “ 80,00 euros



VALDOVIÑO



	INDIVIDUAL -Non hai límite de inscritos. -Non hai gratificacións por participar. --Desfilan en escenario -Optan a premio.	1 compoñente	“Premio individual” 40 euros.
Veciñas e veciños disfrazados non inscritos poderán participar no pasarrúas. Non desfilan en escenario. Non optan a gratificacións nin premios.			

Definicións e aspectos a considerar nas distintas modalidades:

Comparsa: Enténdese como comparsa un grupo mínimo de 10 compoñentes debidamente disfrazados e gardando unha unidade temática na vestimenta e na actuación.

-As comparsas formadas integramente por menores de idade deberán realizar a inscrición a nome dun adulto responsábel e será obrigatorio que a comparsa desfile e actúe polo menos cunha persoa maior de idade no caso de que máis do 50% dos seus compoñentes sexan menores de 14 anos.

-Realizarase un sorteo o día 18 de febreiro ás 14:30 horas na Casa da Cultura se o número de comparsas inscritas é superior a oito. Neste caso, as comparsas que queden fóra da convocatoria poderán igualmente desfilar pero non recibirán gratificación nin poderán optar a premios coa excepción que se recolle no punto sétimo.

-As comparsas de Valdoviño terán preferencia e non irán a sorteo. Considerarase comparsa de Valdoviño aquela na que polo menos o 51% dos seus compoñentes estean empadroados no Concello de Valdoviño. Se foran máis de 8 comparsas de



VALDOVIÑO



Valdoviño a cantidade total de orzamento destinada a axudas por participar minorarase equitativamente

Se a comparsa porta algún vehículo sobre rodas, este deberá estar decorado expresamente para a ocasión e realizarase unha descrición do mesmo na folla de inscrición. De seren vehículos a motor deberán cumprir coa normativa vixente de circulación de vehículos pola vía pública, da inspección técnica (ITV) e dos seguros correspondentes sendo isto responsabilidade das persoas que figuran como inscritas que deberán indicar na folla de inscrición a matrícula do vehículo e o DNI do condutor que deberá estar en posesión do permiso de condución correspondente. Atenderase ao estipulado no Regulamento xeral de Circulación.

Grupo: Enténdese como grupo aquel que teña un número de compoñentes comprendido entre 3 e 9 debidamente disfrazados e gardando unha unidade temática na vestimenta. Os grupos formados integramente por menores de idade deberán realizar a inscrición a nome dun adulto responsábel e será obrigatorio que o grupo desfile polo menos cunha persoa maior de idade no caso de que máis do 50% dos seus compoñentes sexan menores de 14 anos. A persoa responsábel tamén irá disfrazada. Os grupos desfilan en pasarrúas e escenario pero non actúan.

Parellas: Dúas persoas disfrazadas e gardando unha unidade temática na vestimenta. As parellas formadas por menores de idade deberán realizar a inscrición a nome dun adulto responsábel. Esta persoa non poderá desfilan en pasarrúas e tampouco no escenario pero será responsábel de que a “parella” cumpra co estipulado nas presentes bases. No caso de que o responsábel da parella de menores acompañe a estes no desfile ou no escenario, a organización cambiará por defecto a súa inscrición de parella á de grupo e competirá dentro



VALDOVIÑO



desta modalidade sen posibilidade de reclamación algunha e sempre e cando ese responsábel vaia disfrazado; se non vai con disfrace a parella quedará descualificada. As “parellas” desfilan en pasarrúas e escenario pero non actúan.

Individual: Unha persoa disfrazada. Se a persoa fose menor de idade deberá realizar a inscrición a nome dun adulto responsábel. Esta persoa non poderá desfilan en pasarrúas e tampouco no escenario, porén será responsábel de que a/o participante na modalidade “individual” cumpra co estipulado nas presentes bases. No caso de que o responsábel do menor, decida acompañar a este no desfile ou no escenario, a organización cambiará por defecto a súa inscrición de individual a parella e competirá dentro desta modalidade sen posibilidade de reclamación algunha e sempre e cando ese responsábel vaia disfrazado; se non vai con disfrace, a persoa quedará descualificada. A modalidade “individual” desfila en pasarrúas e escenario pero non actúa.

-Non se poderá participar co mesmo disfrace en varias categorías.

-Non poderán optar a premios nin a gratificacións aqueles disfraces que xa participaran en edicións anteriores.

-No caso de que ao cumprimentar o formulario se marcasse a modalidade equivocada, atribuiráselle de oficio a que lle corresponda.

QUINTA.- Desenvolvemento do desfile.

Todos os participantes inscritos formarán parte obrigatoriamente do pasarrúas que transcorrerá dende o edificio da Casa do Concello até a Casa da Cultura en cuxa praza terán lugar seguidamente as actuacións en escenario das comparsas e o desfile dos demais participantes inscritos.

A organización informará aos participantes do lugar de colocación e orde no desfile de pasarrúas e no escenario. Este atenderá a criterios internos da organización e será innegociábel.



VALDOVIÑO



Non se autoriza a participación de animais como acompañantes no pasarrúas e tampouco no escenario.

No caso de que durante o desenvolvemento do desfile e das actuacións se causen danos a terceiros por algún participante, a responsabilidade que se derive, será asumida integramente pola persoa ou persoas implicadas.

Se os concursantes precisan música específica para a actuación deberán facilitala aos responsábeis de son en soporte USB o mesmo día do festival. O Concello de Valdoviño non se fai responsábel de que poida xurdir algún problema coa reprodución do arquivo.

Cada comparsa deberá interpretar ante o público nas instalacións destinadas ao evento **un máximo de dúas cancións ou de dúas parodias, ou ben, dunha parodia e dunha canción**. Polo menos unha delas terá que estar escrita e ser interpretada en **lingua galega**, e un dos temas **deberá obrigatoriamente versar sobre Valdoviño**.

O tempo máximo de posta en escena para cada comparsa será de 10 minutos. As comparsas que superen o tempo regulamentariamente establecido e permanezan no escenario despois de seren avisadas, poderán ser descualificadas polo xurado. Serán as propias comparsas as que libremente decidan distribuír a letra das súas cancións entre os asistentes ao festival. Dado o carácter humorístico desta festa tradicional, o Concello de Valdoviño non asumirá responsabilidade algunha acerca das letras, interpretacións e disfraces das comparsas e entroidos participantes.

SEXTA.- Gratificacións á participación e Premios.

As comparsas terán dereito a gratificación pola participación. Para isto, a organización comprobará que as comparsas participantes cumpren co establecido nas presentes bases e teñen presentado a documentación en tempo e forma; ademáis comprobarase que realizaron o percorrido completo do



VALDOVIÑO



pasarrúas coa totalidade dos seus compoñentes (excepto casos excepcionais debido a circunstancias especiais previamente autorizados pola organización) e que teñen actuado no lugar preparado para a ocasión respectando os tempos e requisitos exixidos nas presentes bases.

Será obrigatoria a presenza dos participantes de todas as modalidades ao final do festival para recibir o diploma acreditativo da axuda a recibir ou do premio correspondente. De non ser así, enténdese que renuncian ao mesmo.

En todas as modalidades ás contías de cada premio aplicaráselles a retención fiscal correspondente.

SÉTIMA.- Xurado

O xurado que determinará os premios para os inscritos en todas as modalidades agás a de comparsa será designado polo Concello de Valdoviño e del formarán parte un/unha representante municipal, un/unha representante dalgunhas das entidades asociativas do Concello de Valdoviño e a persoa encargada de presentar o festival.

As votacións faranse atendendo aos seguintes criterios de valoración :

1. Estética, orixinalidade e creatividade dos disfraces.
2. Elaboración propia e artesanal do disface, materiais utilizados e complexidade na elaboración.
3. Maquillaxe, vestuario, máscaras e demais complementos propios do Entroido.
4. Simpatía dos participantes.
5. Posta en escena.

A organización aportará unha táboa para axudar a realizar a valoración nas diferentes categorías. Cada criterio valorarase de 1 a 5 puntos para obter unha puntuación final. A suma total de cada criterio e da totalidade dos membros do



VALDOVIÑO



xurado determinará os premios. En caso de empate o premio dividirase equitativamente.

Se nalgunha das modalidades non se entrega algún premio, ben por falta de participantes inscritos, ben porque os participantes non cumpren cos criterios de valoración o xurado reservarase a posibilidade de destinar o seu importe ou importes completos ou fragmentados a outra/s modalidade/s en calidade de accésit. O xurado tamén poderá declarar o premio deserto e non asignalo a ningunha outra modalidade ou accésit se así o estimase oportuno.

No caso de que non se outorguen todos os premios, a organización poderá, se se dese o caso, utilizar o importe dos mesmos como gratificacións á participación para as comparsas que quedaron fóra do sorteo de comparsas admitidas e que, a pesar das circunstancias, desfilaron e actuaron. Este importe podería ser igual ou menor á cantidade asignada como gratificación por participar, mais nunca maior e sería un tramite a realizar con posterioridade á data do concurso.

A puntuación outorgada polo xurado poderá consultarse por calquera interesado previa petición. A resolución do xurado será inapelábel.

Un traballador da área de cultura actuará como secretario/a, con voz e sen voto e levantará acta da relación de premiados.

OITAVA.- Entrega de premios

A concesión dos premios e gratificacións farase pública o mesmo día do festival.

Os premiados en cada unha das modalidades, agás a de comparsas, serán chamados a subir ao escenario e un representante municipal faralle entrega dun cheque simbólico co importe do premio.

Seguidamente todos os representantes de cada unha das comparsas subirán ao escenario para a entrega dos cheques simbólicos das axudas á participación.



VALDOVIÑO



A non presenza dos representantes e interesados no escenario en todas e cada unha das modalidades implicará tamén a renuncia ao premio ou axuda que tiveran concedida.

NOVENA.- Pagamento de premios

O órgano instrutor á vista do expediente e do informe do xurado, formulará a proposta definitiva de resolución de concesión dos premios e de axudas económicas, segundo o caso, en favor de aqueles que acreditasen o cumprimento das bases e aportasen a documentación requirida.

No referido ás gratificacións por participación a comparsas, a cantidade máxima que recibirá cada comparsa que reuna as condicións e requisitos exixidos nestas BASES será de 400'00 euros brutos. O pagamento farase efectivo mediante transferencia bancaria de conformidade co certificado de conta bancaria aportado coa documentación da inscrición na que deberá constar o IBAN. De ser o caso, aplicarase a retención de IRPF de acordo coa lexislación vixente.

Os premiados en modalidades distintas ás de comparsa xuntarán o certificado de conta bancaria requerido para o cobro do premio antes do día 9 do mes de marzo. Pasada esta data o Concello de Valdoviño entenderá que renuncia ao mesmo. Os importes dos premios indicados nas presentes bases para ditas modalidades son brutos e, de ser o caso, aplicarase a retención de IRPF de acordo coa lexislación vixente.

DÉCIMA.- Responsabilidade dos participantes e seguridade

Todos os participantes quedarán obrigados a atender as recomendacións que lles indiquen os traballadores dos corpos de seguridade e da organización para o correcto desenvolvemento da actividade. De producírense danos a bens ou persoas durante o desenvolvemento da actividade que non sexan imputábeis ao



VALDOVIÑO



Concello de Valdoviño, a responsabilidade derivada será asumida integramente polos inscritos implicados. Igualmente, o Concello de Valdoviño non se fará responsábel das accións realizadas por grupos ou persoas non inscritas.

Se coa finalidade de mellorar o desenvolvemento dos actos programados se considerase conveniente introducir modificacións ao aquí fixado, poderá facerse por parte da organización. Atendendo a este punto solucionaranse os imprevistos que puidesen xurdir entre o día de comezo de inscricións e o día do festival. Calquera cuestión non contemplada nas presentes bases poderá ser resolta segundo o criterio da organización, sen estar obrigada a comunicalo previamente.

Con posterioridade ao evento emitirase informe para poder proceder cos pagamentos que cumpridamente se deban facer atendendo ao estipulado nas presentes Bases e onde figurarán as puntuacións, os importes acadados polos participantes premiados, así como aqueles premios que ficasen desertos se fose o caso, as cantidades económicas fixas outorgadas a cada comparsa e calquera incidente que se tivese que resolver con motivo da celebración da actividade.

UNDÉCIMA.- Protección de datos

O responsábeñ do tratamento é o Concello de Valdoviño, que tratará os seus datos coa finalidade de xestionar a súa inscrición e participación no evento. A base lexitimadora é o consentimento da persoa interesada. O evento será fotografado e gravado, e as imaxes e gravacións poderán ser publicadas na páxina web e redes sociais do Concello, así como os datos dos gañadores para promoción da actividade, en base ao interese público. Os datos conservaranse mentres sexa necesario para cumprir coa finalidade prevista e durante os prazos de prescrición legal. A inscrición neste festival de comparsas implicará a autorización ao Concello de Valdoviño para realizar as consultas a outras administracións precisas para a tramitación do expediente.



VALDOVIÑO



A participación no XXVI FESTIVAL do ENTROIDO no CONCELLO DE VALDOVIÑO, supón a total e plena aceptación destas bases.

Estas bases entrarán en vigor ao día seguinte da súa publicación no Boletín Oficial da Provincia da Coruña, unha vez rexistradas na Base de Datos Nacional de Subvencións. Estarán a disposición dos interesados, xunto aos modelos de inscrición na páxina web do Concello e no taboleiro de información e na Casa da Cultura. En todo o que non está previsto nestas bases terá de aplicación supletoria a Lei Xeral de Subvencións 38/2003.

Valdoviño 3 de febreiro de 2026

O Alcalde